

皇華集

七

七

内閣文庫	
番號	漢 17836
冊數	42 (7)
函號	函 137 2



皇華集序

皇帝位九五之初大誥四方萬國與天下更始

以我國世守侯度秉禮惟舊於是選於

朝以右春坊右庶子兼侍講

董公為之使貳以工科右給事中

王公捧

綸音沛

鴻恩我

殿下對

天威如咫尺歆

使華之文雅肅敬將禮既

謂左右若曰

帝眷小邦今茲

繼統出政之始而

特命經幄之臣金閨之彥如

兩公者來覃施

德意使我東人有所矜式其為

賜重矣然

兩公不可留則其所留詩若文宜取以為
集以壽其傳以寓景仰之思仍

命臣序之臣竊見雙鳳聯翩口嚙芝詔出

自丹霄止於青丘者

兩公之儀度也珠璣錯落卷軸連車提封

萬里盡入牢籠者

兩公之詞藻也則

兩公雖不可留而

兩公之所留之者大矣臣嘗讀詩至皇皇

者華則知遣使之重四牡駢駢則知勞

使之切且孔聖以使於四方不辱君命

為士之才古之人未嘗不以使職為難

而能稱其職者蓋鮮雖有能稱其職者
能賦其雅章而彰
國家之盛美者尤亦鮮矣今
兩公溫厚之資宏偉之器加之以積學之
功涵養之深所際者

文明之時所處者清切之地故其施諸事也
言中度而行中禮其發於詩也雄渾而
雅精深而暢雍雍乎足以鳴大雅之隆
意

兩公之來也益有以知

聖朝人才之懿治教之休而

兩公使乎之才無讓於皇華四牡之大夫
矣豈但使四方不辱君命云乎哉而况
江都經術世稱其醇河汾道學講之有
素將見已事西歸敷奏

彤墀

錫三接之榮

慰萬里之行由是而躡台階調玉燭笙鏞治
道黼黻

皇猷翹足可俟若夫采詩置官王者所以觀

皇明風雅之中也如是。臣謹筆之以弁卷首。
得漸濡於
皇明風雅之末使天下後世知東方之有國亦
在荒服之外因是編之行而得列於
聖人採之不遺乎曹掄之風吾東方藐
國之作有周之盛有皇矣大明之雅而

弘治元年蒼龍戊申冬十月下澣資憲
大夫兵曹判書兼世子右賓客弘文館
提學藝文館提學魚世謙謹序

皇華集上

入東國來覽途次山川時有所得至晚
輒復忘去偶記一二用錄求教董越頓
首黃門王先生

車輦館蟠松

董越

偃蹇槎牙出道周層霄白日見蟠虬炎蒸
謾逼三庚伏爽氣常從六月浮青蓋曉隨
天使節驚濤夜泛海門舟掄材曾上祖徠頂回
首丘山憶萬牛

郭山孝女

曾讀文僖孝女詩，久知東國重民彝。死生已落千年夢，表樹猶存三尺碑。雲鎖北山天漠漠，水聲南澗草離離。經春使節還過此，欲繼前人覺思遲。

新安館即事

弭節臨山館，張燈夜燕時。通言雖用譯，卻樂不煩詩。館伴先知禮，從行亦有儀。因思聖明化，元不隔藩籬。

渡大定江

過盡崔嵬幾日山，馬頭驚喜聽潺潺。澄涵

上下碧千頃，橫界東南玉一灣。搖曳正聯青雀渡，驅馳不似白鷗閑。滔滔莫道渾無以，曾共仙槎萬里還。

登百祥樓

晴川高露碧崔嵬，此日登臨亦壯哉。水漾鳧波清且淺，雲隨鳥翼去還來。一簾香霧濃陰合，四面青山罨畫開。使節東歸應指日，與君重上醉餘杯。

三月朔阻雨安興館謾錄

蟠松次韻

王敬

老幹重陰匝四周，濤深處擁蒼虬根。盤
屈鐵經霜古影落，寒潭盡日浮海錯。盤擎
絲作膾，瓷罌酒薦玉為舟。德星此日三韓
聚，應有虹光射斗牛。
時許判書出盤蓋
小飲松下故云云

珠頓首

皇華內翰大人不鄙遠人辱

贈佳什，盥手展誦，如得拱璧珠。少事詩書

既筮仕，鞅掌職事，久廢筆硯，何以仰

荅

雅意，然重違

嚴命，僅擬荒句，希
賜一粲

車輦館蟠松

許琮

托根官道幾星周，老幹輪囷卧翠虬。石
齒碎江風力峭，蒼髯蒙霧曉光浮。曾迷
白鶴三秋夢，堪作黃龍萬斛舟。夜靜空
山明月冷，欲隨雷雨化青牛。

郭山孝女

女中純孝類姜詩，一片衷誠自秉彝。水
繞山圍虛故里，風磨日炙只殘碑。雨餘

草樹增青翠、日暮雲霞更陸離。

玉署名賢來駐節、却尋遺跡得歸遲。

新安館即事

丹山瑞世鳳、雲路際明時。

闕下初嚙命、周南為採詩。文章唐製作、冠冕漢
威儀。應笑山飛醉、臨風倒接羅。

渡大定江

一派來從塞外山、西流百折送潺湲。煙
拖松影迷青嶂、風送桃花漲碧灣。草合
芳堤鷗睡早、天空絕塞鴈飛閑。金閨多少

皇華使、此地星軺幾往還。

登百祥樓

草樹淒迷石磴荒、雕闌十二興佳哉。鳳
鳴

丹詔從天下、鼇戴青山跨海來。落日蒸紅雲葉

晚、長風捲白浪花開。羅衫斗覺春寒緊、

為向尊前送一杯。

吏曹出佳句、雨中見留因足成一絕。且

索內翰董先生一和。

王敞

天教好雨留佳客。

帝遣詞臣下碧蹄，但使肩輿能代步，不妨險路更衝泥。

次韻

許琮

螭頭朝退午門西，香土東華散馬蹄，兩袖忽擎

鸞詔至，晴霞五色濕金泥。

黃門足使曹詩意似絕，而實有天然對
畫者存，因續貂尾以紀一時。

董越

塵迷壚莽須滋泥，暝落林花足品題，拂曙

山巔定紅日，行人休聽鷓鴣啼。

次韻

許琮

韶光如酒著人迷，謾把霜毫取次題，山北山南春雨歇，隔林紅日鷓鴣啼。

三月朔安興館遇雨，予將促行，許吏曹命譯者苦留，且屢有天教好雨留。

佳客之誦，因摘為六言七首，用博一粲。

董越

煌煌使節東指，戀戀丹心

北懸，阻客忽驚朝雨，舉頭欲問青天。

去去敢辭體倦，行行恐負邦交。漢署編摩，久待周南留滯，誰教

君門雨露同承，客路冰霜共保。從教百尔能留，不似一行尤好。

承

思獨愧尋常計，日兩經三五夜。來客館衾裯，夢

斷林皋烟雨。

幾日長亭車馬，三春高閣置郵。怕聽山中格磔愁，聞柳外栗留。

山頂全無片埃，林間只見人家。風物撩人

不盡，壺觴勸客尤佳。

簷前急雨翻盆，頭上濃雲蔽墨。主人想已禱祈，愛我於焉嘉客。

中書君已老而禿，甚不奏功。况值我疾行，殊無好步。二妙之來，益見涇渭。聊以荅意，諒不外也。越又頓首。黃門王同事先生。

安興兩阻，許判書誦天教好，兩留佳客。身句余以絕足之輩，先生復每字押以六言一首，遂賡之於後。王啟

山路衝泥滑滑歸心入夜懸懸安得倚空
長劍肯教緘霧遮天
賓館只宜禮飲王臣豈可幣交東行萬里
誰願暫留一日天教
鶯花三月誰游遠道一身自得北堂入夜
興思東歸指日纔好
乘槎遠笑張騫歇後還思鄭五清江兩岸
人家喜殺一犁春雨
策馬纔過東站樞衣便見督郵倦客擁衾
高卧主人投轄能留

山路盤盤鳥道溪流曲曲人家高閣坐來
稱快晚山一壘尤佳
常時懶就詩篇此日纔拈筆墨不辭遠路
賢勞應咲常年為客

次韻

許琮

遼海軒車暫駐玉堂魂夢長懸回首歸
鴻沒處黃雲白草連天
學士金鑿大老古人黃卷神交咨詢原
隰靡盬樹立勲名早教
德音忽布遐方皇雅宜歌天保海山隨處堪留

點檢風光也好

林花白白紅紅遊騎三三五五恁來滿

眼韶光昨夜一天風雨

黃道新瞻

日馭青丘遠遣星郵眷我褒衣博帶愛之安得

遲留

犖确坡頭村路微茫沙上漁家籃輿細

雨鳴處收拾清詩儘佳

醇儒學貫天人良史名高翰墨竭來海

上觀風人道好看此客

喜晴復用前韻謾成七首

王敞

雨脚沉沉低墜心旌曳曳高懸新柳條垂

江岸落霞光射晴天

點水漁舟泛泛轉枝黃鳥交交烟雨撲簾

可厭紅塵拂面寧教

誰言伯夷能廉自咲曾參可保四知弗受

堪誇一硯不持更好

鴨江遠路三千鳳閣去天尺五不辭涉水

登山却喜清塵微雨

海氣遙連陸水湖光絕類高郵為愛層樓

空濶不堪酒盞淹留
雨歇裁詩排悶夢回歌枕思家白鳥飛來
還去青山洗後尤佳
東行何止千山到處曾題一墨任他
見儒生笑我無能狂客

次韻

許琮

半嶺斜陽欲沒一眉新月高懸興至悠
然倚杖隔林啼鳥春天
桃花巷陌紅糝楊柳池塘翠交行止詐
云天定淹留或使人教

百歲黃梁未炊是身憂樂難保向來水
色林光春欲暮時方好

皇風暨北漸東

帝德登三邁五使者來領

詔書隨車忽霈甘雨

雙轂論思

經幄久勞車騎馳郵應念局中文會那教海外
乞留

白鷺翻飛細雨青林曲抱村家此間詩
語能妙晴後山光更佳

三
九
巖牋雲靄春空，拈筆鴉棲醉墨。東人拭
眼爭看，信是金門羽客。

次喜晴六言疊韻

董越

簷外飛絲已斷，山顛瀑布猶懸。愁殺悠悠
去路，忽瞻蕩蕩遙天。

二月風光已過，暮春節候初交。迢遞浙濱
莫到，馳驅箕甸從教。

從來行止非人，明日陰晴未保。不於客路
懸情，豈識斯言最好。

寒雞喔喔聞三，戍鼓聲聲報五。夢回青草

池塘腸斷綠荷風雨。

雨樹已為晴樹，前郵又作後郵。最愛肩輿
便捷，不教半步遲留。

短見每憐渠輩大方，今屬君家話久精神
倍爽。詩來楮墨尤佳。

遙遙緩步安車，落落客卿子墨。青山謾笑
行人何處，獨無愁客。

次韻

許琮

金馬玉堂地，禁銀魚紫綬。腰懸功名正
自來，逼萬里鵬搏九天。

傾蓋似曾相識，盍簪正可論交。高樓綠

酒紅燭，歸騎忽忽莫教。

風流王署神仙，道德

青宮傳保，海底手傾蛟盤，明珠箇箇俱好。

金閨鳳無一雙。

紫極龍飛九五，忽聞

泥緘下天，江頭候騎如雨。

白霄玄菟路遠，東來二十八郵鑿坡歸。

夢一覺，兩袖天香尚留。

東風舊雨，今雨西崦，三家五家蒼壑忽。

回馬首野桃山杏皆佳。

晴虹萬丈飛空，霞紙香生寶墨。

玉斧繡衣使者，丹臺紫府仙客。

登百祥樓

王敞

江雲樹影共悠悠，萬里風烟豁壯眸。

紫禁遠連天北極，夕陽閑倚郭西樓。微茫弱水

通玄圃，咫尺扶桑隔鳳洲。我欲天涯窮勝

槩，一杯消盡古今愁。

次韻

許琮

早世功名不認悠，東來隨處展雙眸。膏

中必種千苗玉，手下應修五鳳樓。綺席淋漓傾白醴，雲山指點認玄洲。潮來定有蓬萊信，莫向斜陽起遠愁。越素性不喜作詩，有使事來日惟知以急。

君命為念，殊無暇役志於風花。三月朔，滯雨安興。詳吏曹留之甚力，既屢誦天教，好雨留佳客之句，以感予，乃用摘其字為六言詩七首，謾錄求教。反蒙賜和，入夜仰瞻霄漢，喜解剥雲陰。明日東奔，蓋未占

而有孚者，復成二律志喜，希賜教焉。

細雨蒼花濕未收，燈前相對思夷猶。新晴夜報勞鍾鼓，碧漢星瞻見斗牛。鬣鬣曉風隨使節，瞳瞳初日上簾鉤。天心應念馳驅久，不遣皇華更滯留。候館寒燈未落花，曉鍾有雀噪簾牙。沙堤得水偏驕馬，池草經春未聽蛙。為客每驚時序改，無程肯信道塗賒。

賢王拱

極心方切，祇恐頻勞候使華。

卷之六 先生董越再拜黃門王先生先生吟伯初稿
字多塗抹覽畢幸見擲回

次韻

許琮

城上雲烟散不收為教
華節斲夷猶人生本是戰鬪觸世事真
如風馬牛江柳搖春紫玉勒海霞伴日
照金鈞感時對景須行樂尊酒何妨處
處留

腹有詩書筆有花勳名不日建高牙文
章共說關西鳳朴藪深慙井底蛙兩廡

花枝低復舉雲遮山色近還賒前途此
去千餘里拭眼人爭看

使華

平壤城謂箕子廟二首

董越

象箸當年託意深臺池那復救荒淫誰云
被髮佯狂態不是捐軀獻靖心禹範一篇
陳大道東人千古仰遺音偶成歇馬瞻祠
廟桂酒椒漿且一斟

王馬西周不共朝冠裳東國儼清標高風
謾說陵三代遺教猶聞守八條廟古松枝

惟有鶴林深桑椹已無鴉驛程旌節三春
暮幾欲臨風賦大招

次韻

許琮

瑤琴一曲意何深可忍君王恣酒淫
秀殿墟空慘目茅分海國肯甘心書陳
八政思傳法名列三仁遇賞音日暮空
庭山雨下只將明水喚人斟

孤忠終不向西朝盛德長為萬世標古
喝倚墻微有字寒松溜雨半無條岡巒
斗起傳名兔草棘叢深不萃鴉擬作廟

中迎送曲臨風不用楚辭招

墓在城西
兔山上

謁箕子廟

王敞

眼者九廟便淪汚萬國嗷嗷怨獨夫但使
一言能悟主敢論諸父久為奴下車見訪
周王日洪範聊陳大禹謨一昧斯文傳海
外肯騎玉馬過東都

拒諫荒淫不忍聞幾年縲紲敢忘君鉅橋
有粟嗟誰食寶玉空衣愧自焚一木豈能
支大廈九疇何幸託斯文武庚他日還齏
粉始覺佯狂誤老臣

味爽前徒忽倒戈，三分天下盡消磨。新封
遠賜朝鮮地，故國空遺麥秀歌。青史大名
垂汗簡，碧山古廟偃松蘿。勞勞今古多成
敗，閒看江雲逐逝波。

次韻

許琮

疆韻之和，非大手不能。然大人有
命，義不敢辭。謹錄奉求。

教

由來哲婦作干戈，殷鑒分明久不磨。終
古有人悲曲操，至今無酒酹朝歌。新祠

是處羞蘋藻，故國遺墟長薜蘿。想見當
年無限思，繞城唯有水生波。

處身皆是厭卑汚，可惜佯狂作匹夫。隱
忍苟存非愛死，彷徨不去任囚奴。明夷
在易成爻象，皇極終天炳聖謨。餘業未
能傳萬代，江山空自說西都。

三仁行迹聳前聞，惻怛應同各愛君。四
海有心歸聖德，一身無力救兵焚。八條
教法能傳世，萬古流風煥有文。大道在
余寧可泯，受封非是作周臣。

渡大同江

董越

曉風吹上木蘭舟，倚棹停杯看碧流。
汀樹帶烟迷渡口，漁蓑衝雨傍磯頭。
冰盤膽斫銀絲細，石鼎茶翻雪浪浮。
已遣前驅戒行李，一尊仍為主人留。

次韻

許琮

悠悠身世一塵舟，穩泛滄江萬里流。
雉堞倚雲聯鴈齒，鷗波袞雪映螭頭。
青連平楚煙光合，黑入中流暝色浮。
自是尊前情繾綣，肯緣光景為遲留。

渡大同江

王敞

清尊消白日，錦纜下樓船。
沃壤連平壤，江天作雨天。
花明春欲暮，沙暖水生烟。
勝槩歸題品，狂歌一叩舷。
涓水元歸海，山城半入河。
春潮翻石壁，飛雨打船容。
作賦才誰健，凌雲意未降。
濟川輸葦相，不日看經邦。

次韻

許琮

海近潮平岸，風生浪逆船。
鷗來迎玉節，帆去襯雲天。
細雨全沉樹，孤城半

帶烟滄洲興不盡臨去更憑舷
鳴鴈去尋塞飛花吹度江風光收客橐
笑語出僧窓雲路人爭羨詩壇孰不降
千金雖未費珠玉散東邦

登淨碧樓

董越

傑棟層簷出薜蘿凭高一望意何多
遠峯秀聳郎官筆斷岸斜穿織女梭
江雨釀寒來樹杪嶺雲分暝落巖阿
悠悠不盡登臨興又上蘭舟聽棹歌
穿雲尋石磴衝雨上高寒樹色凌飛翼江

聲入畫欄誰教風力峻自覺酒腸寬
黃鶴磯邊意分明付大觀

次韻

許琮

窈窕危構蔭烟蘿濕翠溶溶拂袖多
遠岫和空迷鳳髻斷雲拖雨起龍梭
數家茅店臨江渚百道苓泉落澗阿
安得月明携笛去倚闌重聽扣舷歌
層崖高疊翠小雨送輕寒白水三千頃
紅樓十二欄鴈飛沙磧遠鷓沒海天寬
世事江聲外悠悠獨靜觀

登浮碧樓

王敞

山閣凌空起，孤雲挾雨飛。
好花臨驛路，小艇占漁磯。
石磴斜通郭，烟村半掩扉。
主人留客意，薄暮肯言歸。

輕陰時作暝，斷岸且維舟。
不意皇華使，真成赤壁遊。
江山供老眼，酒盞散春愁。
花柳如相待，東歸盡日留。

次韻

許琮

渚草平如剪，江雲濕不飛。
綺霞飄酒席，桃浪濺苔磯。
古寺蘿垂壁，漁家水入扉。

眼前多少景，惆悵客將歸。

際野迢迢岫，橫江點點舟。
百年逢勝賞，千里伴清遊。
柳嫩枝枝好，花殘片片愁。
雲烟如有意，未許暫相留。

松林晚照

王敞

空山落日翠烟微，點點歸鴉向北飛。
坐久酷憐風景好，春寒不覺透羅衣。

次韻

董越

盤礴松陰坐翠微，隔林斜日亂烟飛。
江南三月無邊景，到此偏傷未拂衣。

仰次

高韻伏希

一粲

許琮

青烟喬木遠稀微落日天低一鴈飛為
覺蒼官仍坐久近山嵐氣濕人衣

一村桑柘夕陽微芳草萋萋柳絮飛已

過蘭亭修禊後風寒猶未著春衣

登鳳山樓一絕

董越

鳳山樓頭坐日斜烟橫雉堞迷歸鴉春深
晝靜人不到開徧滿林桃花

次韻

許琮

獨倚雕闌帽影斜客中衰髻已非鴉不
禁杜宇聲聲苦啼盡東風第一花

初七日出黃州道上遇雨

董越

初旭輝輝暎旆旌馬蹄蹠躑望東行看山
未久還蓑笠始信春無三日晴

雨滴松根如夜漏雲蒸山腹似朝炊麥歧
已綠鶯花老春去行人尚未知

悠悠駟騎催明發道上牛車已沒齋林深
鳥語似笑人連叫數聲泥滑滑

古道羊腸驚百折，輿人十步九蹉跎。水濱
木末憶少陵，此語似緣今日說。行人
跛鼈出後秀，新路鮎髻更沫。涎望烟
疑與前驛近，却是燒畬人種田。
平生不識行路難，東來况值多晴乾。泥塗
今日何所似，百丈牽紮上急灘。

道旁初見耕水田

道上潢污沾馬足，原頭青草沒牛蹄。十年
迢遞鄉關夢，今日初看輓負犁。

奉和董先生黃海道中苦雨六絕

王敬

瘳雲林外拂霓旌，瘦馬衝泥緩轡行。旭日
籠烟翻作雨，長途何用卜陰晴。
草屋踈籬傍翠微，輕烟兩濕見晨炊。春風
著物渾無迹，水暖池塘鴨未知。
東行輜重凌晨發，忽聽間關車設牽。泥途
况復盤羊腸，布襪青鞋愁更滑。
叱御玉尊逢九折，足板何曾經一跌。坦途
微雨誰驚心，西蜀飽看天險設。
雨暗空林生野烟，碧溪寒溜帶蛟涎。老農

相見還相慰。山北山南好種田。
萬里長驅蜀道難。青衫蓆帽不曾乾。歸來
巫峽曾經險。夢裏還愁過菜灘。
次道旁初見耕水田韻
鴨江千里過遼西。山草山花送馬蹄。獨喜
前村誰氏子。短蓑輕笠謾扶犁。

次出黃州道上遇雨韻

許琮

濛濛春雨濕前旌。小傘輕輿散漫行。花
綻柳搖看漸異。好將詩律了陰晴。
青山白屋映朝暉。一帶輕烟濕未炊。道

上時時如見畫。尋常過客不曾知。
星軺日日侵晨發。安得留

公飲投蓆黃州坂上雨如絲。預恐脩途踏
泥滑。

馬足凌兢車軸折。人間涉世憂蹉跎。從
公如在大道行。蓋笠帷軒不須設。

大手文章孰敢先。草詞前殿藝龍涎。自
能稽古蒙

恩遇。誰念蘇卿負郭田。

小雨長途每作難。春泥汨汨幾時乾。馬

蹄喜入前山去欲洗塵纓向碧灘

次道旁初見耕水田韻

春渠滴滴走平塲兩角吳犍利四蹄東
作漸看農事殷暮年幽興在耕犁

晚宿鳳山館登環翠樓

王敞

老鳳稜嶒飛不起曳尾垂頭三十里
畫棟層樓半入雲昏曉烟嵐割青紫
東連碧海翻鯨波三山點點迷翠螺
駮鸞跨鶴下僊侶半夜月明聞嘯歌
離闌十二轉迢迢四面峯巒攢佛髻
試將老手親摩挲冷翠淋

滴濕衣袂東風三月隨軺車柳條著水芹
弩芽巡簷始覺春已暮開遍櫻桃幾樹花
直北孤城大如斗石壁傾頽麋鹿走幾椽
茅屋帶斜陽一望蓬蒿生戶牖乾坤一統
歸

皇明此邦秉禮尤輸誠

累朝息寵顏殊絕萬年獨奉春王正

天王出震臨皇極每遣儒臣頌

詔勅辭間詞賦多名臣指點從前頗相識
百年我復趨後塵改元又况當戊申短歌聊爾

紀歲月繼此寧無我輩人

次韻

許琮

蒼山雄雄半空起根盤后土深幾里秋
露下滴芙蓉青夕陽倒射瑪瑙紫高樓
風卷幕生波晴光入簾堆烟螺嘈嘈天
樂墜林杪翠鳳雙舞青鸞歌望中瀛海
路迢遞鼇岑隱映如露鬢飢來正思宋
期棗興酣欲挹淨丘袂雲端不見來
車金鼎誰與論黃芽人間烏兔一瞥眼
千歲蟠桃三着花玉酒萬斛斟北斗醉

眼爛爛青電走一聲長嘯海天空餘響

嫋嫋動窓牖

皇家熙運開文明玉帛萬國供丹誠金甌海嶽

無寸兵璿璣曆象領新正

鼇禁仙客下丹極飛向東藩傳

王勅霞裾霓佩風冷然握手一笑如舊識恨無

瀛洲九斛塵此情烟烟何由申相逢未

幾又相送林鶯啼斷能愁人

詐吏曹黃海道中炮虜具飯余嘉其能

樂賓也作炮虜以紀之因錄呈用博一

笑

野麕適何來。茫然觸羅網。行廚當玼羞。價直五千鎰。庖人鼓鸞刀。解剥恣來往。眼光頗凝眇。鼻息尚餘響。翻翻肉脫皮。汨汨血流頰。衆酪不盈束。一鬻大如掌。當壚沃酒漿。八火貫荆杖。細切堆瓷盤。下箸復歎賞。愧彼子鵝炙。氣味遠相讓。芻豢何足誇。八珍爾為長。鄙性厭腥膻。逆鼻惡魚鱉。班龍與此麕。略不掛念想。入口破天荒。飽食非勉彊。何當事春蒐。一網盡餘黨。豈為窮口

腹藉爾供宴饗。

曉起辱黃門王先生見示道次炮麕古作走筆奉荅。蓋亦以嘉主人之禮也。

董越

行廚具午餉。設幕如張網。肴玼羅滿前。費直幾緡鎰。馬頭見僊俟。此事驚已往。坐久聞庖丁。忽鼓鸞刀響。白茅藉一物。瞪目且負頰。云是周南麕。味美勝熊掌。解剥既迎刃。傳火仍貫杖。悠哉賓主情。樂矣山泉賞。芬芳入尊俎。下箸忘揖讓。庖然野水蘂。未

許徒爭長金蓋北海膾石首明州養唯甘
久住人有時勞夢想雖能少咀嚼殊覺多
牽彊爭如此割鮮雋永愜吾黨三驅如有
獲更向其祠饗

三月七日董越在龍泉館錄似吏曹許
公足下

次韻

許琮

朝家正渴賢恢恢罩天網

黃門中高選青錢應萬鎔
搗文握鴻筆妙處期獨往
千篇供一掃擲地皆有響商

雲麗層霄咫尺瞻

堯額使星動瑤墀卿月輝金掌
天風吹珮環萬里

玉節林海嶠八豪談烟霞助清賞
觴豆勞行駭示我以禮讓
陽坡草蒙密赤吏此生長
劉心忽登盤釘餽雜枯蒼鳳臘
與龍爻應起仙厨想薄物信腥膻
一喙真為彊尊前一握手
情親似鄉黨但取誠意耳
兔首亦可饗

初八日自龍泉館東行見水濱一石壁

儼如屏狀

董越

路出清灣見石屏東風亂點雨苔青
鍊餘五色憐媧女移近三韓感巨靈
濯垢豈勞南澗水凌空宜勒北山銘
憑君更假如椽筆記我星輶此日經

次韻

王敞

龜甲懸空列錦屏好山不盡眼中青
江分赤嶺天垂險齧戴方壺地効靈
金谷紫絲開步障商巖鳥篆見盤銘
憑誰移入東都去更與中郎寫石經

次韻

許琮

懸崖萬丈似圍屏陰雨長垂薜荔青
泉竇鎔銀通海眼雲根積鐵壓坤靈
欲磨雷煥騰龍劍擬刻華陽瘞鶴銘
駐節夷猶回一眴為煩鴻筆入圖經
安城館午飯詳吏曹獻雉作包脩雉蓋
吏曹蒼鵠所獲者因作鵠邀雉壹章以
旌之

王敞

有雉有雉捷且雄奇毛五色雙顏紅
草芽苦短漾新碧旭日翩翻荆棘叢
鞬鷹脫手

誰能縛振翮凌風入寥廓老拳直欲碎豺
狼此物安能供大嚼蕭蕭林壑寒生感雉
兮破膽還低飛頭垂已覺目光眩翅短翻
無肌肉肥翻身直下便椎擊白日空原驚
霹靂試將玉爪聊爬搔碎首穿胷血猶滴
判書日日開玳筵欲將野味誇新鮮紅盤
捧出錦毛亂把翫口角還垂涎斯首肯聞
歌炙兔折項誰知出甘瓠禮稱執贄唯斯
禽狷介由來似韋布毳毛入手勞細燖搗
椒傳火還加鹽釘盤數脰切寒玉入口餘

香董老髯賓筵洗盞謾酬酢美味何曾說
脾臆東行指日搖歸旌此地盤桓須再約
蒼鷲懸知才出羣海東千里搏青雲不食
似識判書意前身可是鷹將軍

三月初九日江東王敬書

承示鷗邀雉佳作用次奉荅董越頓首

司諫王公同事

董越

朝飛有雉聞雉雄又采煥爛晴霞紅濛濛
山霧濕欲落振羽已離深樹叢虞人幾度
懷束縛原野蕭蕭正恢廓臂上蒼鷹未脫

條草中珂馬猶嚼嚼鷹兮一奮擊搏威移
時落羽驚紛飛惟知眼底空花亂忘却山
中野豕肥相催豈待鼓頻擊掩耳不遑愁
霹靂雲邊殺氣朝稜稜空裏血光寒滴滴
獲來已足充賓筵野水何須更擊鮮炙肉
庖丁未沾口采頤童子先流涎三次曾聞
避狡兔原頭逐草空繫瓠得似高飛一奏
功行厨儿案驚班布湯浮蠓眼毛已燂盤
出水晶更著鹽題品已歸司諫手芬芳更
落參軍鬪瓠葉詩篇歌獻酢行葦佳肴說

脾滕主人好客似當時嘉會何曾待期約
未行先已念離群憑謝江東樹與雲迺踈
謾憶江都相俊逸須懷王右軍

三月十日在安城館漫錄

次韻

許琮

山狂谷狠北風雄野火照天天為紅枯
耕宿莽燒痕黑春雨一洗皆芳叢材官
力健虎可縛醉眼茫茫天宇廓平生最
喜呼野鷹獨騎寶馬金勒嚼虬髯鬚鬢
顧眄威馬蹄逐逐如雲飛雙雙嬌雉羽

離襟原頭飲豕春正肥一片白雪恣所
擊晴空萬里驚霹靂綠翼墜地錦離披
寒血隨風雨點滴金閨日日
賜瓊筵烹龍炮鳳窮芳鮮仙庖玉羞難罄名世
人間之流饒涎今年

持節到玄菟行厨冷落唯葡萄忽見綠
雉一隻至錦襜繡襜盤中布立命廚人
付湯煑塗以蜀椒加吳益為愛野味屢
下筋欲題句子時掀髯此物亦足供酬
酢尊前莫恨無脾臆人生會合自有數

此生此會難更約開懷劇談鉅霏屑爛
醉狂歌聲徹雲窮歡正可追韓張惜無

阿買張吾軍

渡大定江憇江亭草酌三首

王敬

錦纜橫拖岸輕橈不受風江山空濶處烟
樹有無中野燒回新綠林花破小紅安期
如見訪鶴馭穩凌空
海味時供饌江魚旋作羹幽亭臨斷岸釣
艇繫前楹淑景薰人困澄波照眼清半生

山水癖對此更含情
素幔迎風颭方舟帶纜牽參湯匙刺盞茶
竈日烘烟覽勝添詩興看雲欲畫眠江湖
蕭散意誰似老夫便

次韻

許琮

雀舫橫官渡穩乘破浪風春歸飛鳥外
天濶落帆中岸柳和烟碧巖花浸水紅
金刀看斫膾放筍玉盤空

既無雲子飯又乏月兒羹把酒思無味
看山倚畫楹襟期如水淡詩思抵冰清

他日重來此悠悠不盡情

湖山閑作伴詩酒慣相牽江燕飛衝雨

沙鷗去破烟松枝初鶴睡桑葉未蠶眠

晚覺滄洲興唯應老漸便

杜鵑花

王敞

杜鵑口中血染作枝上花東風盡吹破
焰如朝霞岡巒靄蒼翠照映當日斜
脂唇淡櫻靨鶴頂明丹砂殘粧含酒暈
玉膚籠絳紗俗呼映山紅其名良可嘉
去年事西蜀小亭啜椿芽忽聞杜鵑啼
潛然淚如麻

其聲實哀怨其狀如老鴉訴苦頻嗷嗷不
異華林蛙今春過朝鮮到處逢奇葩其色
令人愛其聲令人嗟聲色反覆間憂喜遠
相差無乃倦行役經年客天涯可喜一過
目不覺度歲華可憂一入耳翻然苦思家
憂喜良在心微物誰能加茲行頗不惡三
月還星槎便當渡遼水不似凌三巴題詩
聊記異博物慙張華

次韻

許琮

奔峭臨蒼灣爛熳開雜花最愛紅杜鵑

染出層城霞露衰色淡佇風擺枝橫斜
火翻樵僥旗顆包句漏砂姑射玉雪膚
隱約紅暎紗隔溪遙見之立馬成歎嘉
正似碧海底珊瑚新茁芽去春任村莊
山雨如懸麻青林花事晚秃樹空啼鴉
寒聲夜未歇草池暴鳴蛙朝來忽放晴
漫山開新葩手揀最繁枝挿帽還咨嗟
筋力能幾何賞心易成差今年乘官駮
遠在鴨水涯芳歲坐荏苒慘然傷物華
男兒志遠遊肯復念其家但恐名不立

老形來侵加春光正欲暮千里還

使槎老鷓哭烟樹聲聲如岷巴臨鸞不用

照雙鬢應成華

連日途次雅意譯者多不能通彼此誠

不能無悵然處近復來傳用樂一事極

知諸君克體

賢王愛客之誠但吾輩之辭誠亦有說恐

譯者復蹈前轍鄙意莫通因成一詩錄

去將

命諸君子惟亮之

董越

宮懸久已撤

宸旒為屬

先皇過密秋風草固應同遠邇管絃何必雜歌

謳閑情讓與司空慣禮度曾如東國優自

古初筵歌秩秩無過主獻與賓酬

次韻

許琮

鑾坡學士侍

珠旒正是承

息暴直秋身在青雲方穩步賦裁白雪摠堪謳

四知伯起清貧甚三策江都學業優不

許紅裙來佐酒，只將文字為贖酬。

屢承

賢王遣官接宴間，携女樂遠來，以盡樂賓之情，雅意曷勝，但

聖天子在諒陰中，人臣遠使外藩，豈宜當此正使，董內翰已作詩卻之，予因席上口占二律，用示諧，君子工拙皆不暇計也。

王敞

天上龍輿返大羅，小臣有淚正懸河。星明帝座皇恩布，

詔賜東藩寵渥多。已遣判書供館伴，不勞妓女舞天魔。諒陰况在娉娉日，忍使當筵連臂歌。

望斷龍髯杳莫追，傷心黎庶淚雙垂。普天又喜新頒

詔，嗣聖重光又繼離。舉國傳呼觀使節，當筵誰遣用歌姬。兩行粉黛須回首，謬舉由來眾見嗚。

次韻

許琮

公館青春宴綺羅，荒城日暮訪山河。三

行破笑猶無賴，一部從伶覺謾多。以禮
嚴防真警世，有詩新格可降魔。但愁歸
採風謠日，東國無由載樂歌。

明庭玉帛早相追，歲歲長承

雨露垂。虎拜千秋曾祝壽，

龍飛五位又重離。觀風海上來周使，舞雪尊前

卻楚姬。但使廣平腸似鐵，梅花賦後沒

人嗤。

三月望日成均館謁

宣聖廟

董越

碧山如畫對庭階，一冰環流見聖涯。漾漾
藻芹多士采，悠悠風月四時皆。久知道化
同元氣，不異炎荒與雪崖。仰止仞墻今白
首，坐忘渾未識心齋。

坐明倫堂喜諸生進退式禮

子佩青青綠樹陰，百年

王化被來深。文章已變西崑體，絃管應遺太古

音。碧藻春風隨杖屨，扶桑初日映璿琳。東

藩久說衣冠盛，聲實相符見自今。

次韻三月望日成均館謁

宣聖廟

許琮

聖德如天不可階持蠡欲測海無涯詩
書一脈源源在廟貌千年處處皆芹泮
春風流碧水杏壇朝日上蒼厓青衿多
少修葺者燈火吾伊溢九齋

次韻坐明倫堂喜諸生進退式禮

森森翠栢滿庭陰涵養菁莪歲月深道
德但能修孔業詞章不復數唐音鳳來
丹穴皆金羽玉出藍田盡紫琳自是

聖朝文化遠藩邦絃誦少如今

謬成均

宣聖廟偶成一律錄似同行諸君子

王敬

廟枕山阿水繞垣百年文教自中原詞臣
鵠立親頒

詔天子龍飛正改元半壁橋門開講席諸生詞
賦擬文園莫將小技誇頭角好為尋師一
問源

次韻

許琮

平生寡學穴墻垣聖域那知道大原少

日焚膏空兀兀老年無術及元元王通
講道長精志董相傳經不視園何幸如
今親磬咳欲將洙泗問淵源

三月望日登漢江樓董越

突兀層樓倚漢江東來形勝訝無雙晴連
蜃氣迷三島寒送潮聲上八牕螺髻拂雲
山疊翠鷓絃鼓夜石流淙凭高自古偏能
賦此日慙非筆似朽

是日

國王預遣二承旨於樓中設宴坐見風水成

文用賦一律

凝睇大江濱樓高礙白雲地山謙受益風
水渙成文隱約鼉鼉窟驚飛鷗鷺羣衣冠
樂嘉會不覺到斜曛

泛漢江

連艦泛中流蘭橈蕩不休長風翻雪浪遠
樹眇晴洲帆影尊前落山光鏡裏浮烟波
名利客得似載虛舟

漁舟絡繹獻魚戲詠用博同遊一祭

臂袒髻遠蓬擎舟各獻功望迷空碧裏心

在有無中雨纜閑芳芷煙蕤繁短篷尊前
權受賞絕勝問郢筒

楊花渡

星斗遙隨漢使槎又從古渡泛楊花晴洲
芳杜迷青柳淺水輕鷗漾白沙十幅蒲帆
商客棹幾株烟樹野人家長風萬里將乘
浪笑指扶桑路不賒

晚登望遠亭

日斜猶上最高樓光景流連笑不休堤柳
嫩含江樹暝渚烟輕逐野雲浮凭欄不入

平生夢秉燭真成此夜遊歸路火城看漸
近銀蟾初放海東頭

次三月望日登漢江樓韻

許琮

綉闥雕甍枕碧江坐中風物儘難雙鸞
奩寒影開千頃蛟室晴光射四窓花雨
送紅飛野岸松濤搖翠和巖淙春來慣
作還

朝夢遙向天門望錦杠

玉節駐清瀆鳴騶鬧似雲江山供勝賞
尊酒樂斯文風急搏羊角波翻起鴈羣

撒髯了詩句遠岫已西曛

次長漢江韻

倚檻瞰奔流悠悠春事休
水通烏鵲渚地接鳳麟洲
暖日蛟涎長晴空蜃氣浮
萬人期利涉要待濟川舟

次獻魚韻

往來類轉蓬得雋竟為功
小艇蒼烟外織鱗綠網中
輕風傳畫角微雨濕孤篷
眼底新詩好相投不用筒

次揚花渡韻

石岸船回送海樵江光潏潏動菱花
烟沉別浦迷魚滸風入芳洲漲鴈沙
桃浪初登四五尺柳陰深映兩三家
海門西去蓬萊近始覺乾坤眼界賒

次晚登望遠亭韻

樓船纔下又登樓倚遍雕闌望未休
山影翠連簾影重霞光紅襯鏡光浮
黃雞不用玲瓏唱金虎還期汗漫遊
更借飛仙雙玉瑄夜深吹上五雲頭

漢江遊覽偶成五詩錄似同行諸君子

斷岸閒登百尺樓青簾畫舫漢江遊杯傾
漱灑飛鸚鵡鳥送歌聲聽粟留蘇老洞簫
吹赤壁安期鶴駕過丹丘不須鞭石看東
海雲樹依稀見十洲
揚花渡頭春水深蒲芽出水抽瑤簪帆檣
四塞來萬斛賈客一飯輕千金碧山靜坐
對誰語白鳥忘機知我心此邦百年涵
帝澤逼人禮義看駸駸
萬騎沙頭立孤鷺羣角飛江光翻日出花

王敬

氣入簾微酒盞酬還醉江樓坐不歸天涯
春欲暮便覺賞心違
鳴泉分磴道乳鷺拂江天風定宜催櫓潮
平好放船深林花眩錦斜日水生烟對景
償詩債奚囊又幾篇
江轉浪初靜詩成酒半酣金刀看削栗玉
碗喜分柑丘壑真吾癖山川藉客談凭欄
高着眼勝槩盡東南

攻登望遠亭

花柳春將暮峯巒晚更青楊花橫古渡望

三十九

遠坐江亭海月墮林白山風吹酒醒長檠
燒絳蠟強飲盡銀瓶

火樹擎三匝江流更一灣夜游真落魄好
興未闌珊小艇間漁浦巖城候守關東方
元未白月色照前山

觀射并喜漁人獻魚三首

善射輪猿臂開弦挽角弓可能穿七札聊
復貫雙熊撫劍匹夫勇封侯三箭功老夫
元解此羨爾更專攻

細浪搖青嶂江雲暗碧虛小舟齊曳網巨

眼試觀魚赤鯉還濡沫金刀肯赦渠長鬣
携數尾不愧老為漁

一鱖剛三寸充盤獻一頭餘殃知及爾數
罟漏吞舟靈沼思春育天池愧遠遊微勞
希厚賞漁子亦堪羞

次漢江遊覽韻

許琮

萬疊蒼霞聳綠樓暫時登眺足清遊東
風巷陌揚花落薄暮簾櫳燕子留十二
金鰲扶畫棟一雙丹鳳下仙丘望中不
覺春潮惡倒卷魚龍沒舊洲

葡萄澁眼碧深深，尊酒從容此盍簪。
兩使風姿雙白璧，一時文價萬黃金。日銜
鵝影沉雲脚，風送龍腥出水心。薄暮溪
山儘可勝，莫教歸騎更駸駸。
層崖高不極，畫閣似暈飛。帆影來滄海，
蒼牙壓翠微。鷗眠知浪靜，鵲老怨春歸。
握手輸肝肺，杯行且莫違。
高樓來萬像，斜日下遙天。青瑣風流客，
紅舷卷畫船。黑鬣吹海浪，白鳥破江烟。
篋筆揮如掣，長篇更短篇。

郭外無塵事，滄洲趣正酣。新茶烹紫笋，
春酒釀黃柑。麟鳳奇毛羽，魚龍駭咲談。
異鄉花鳥晚，歸夢大江南。

次晚登望遠亭韻

湖水涵虛白，山容擁帝青。危舟凌翠浪，
蠟燭宴紅亭。雲缺蟾光露，風清鶴夢醒。
襟期真不淺，臨去倒雙瓶。
乘槎來萬里，星彩動銀灣。日照袍光麗，
風微佩響珊。鷗聲喧水柵，鴈影度江關。
海岸晴雷至，潮頭湧雪山。

次觀射并喜漁人獻魚韻

劍士氣如虎能開明月弓官街驅赤兔
宮苑射黃熊早負穿楊妙將成破竹功
自憐雙臂軟老病任來攻

浩浩長江水晴光切大虛紅檣飛畫鷁
綠網罩嘉魚把酒思娛客供厨正賴渠
年年香土裏無計伴樵漁

萬頃寒瑤碧茫茫天盡頭官橋晴曬網
野渡晚移舟溫水思同釣濠梁今更遊
江湖負幽夢到此得無羞

題大平樓

王敞

紛紛使節來碧蹄壁間濃墨閒留題登樓
雪霽作長賦倪公筆力凌昌黎文章末技
吾頗厭大道多歧人更迷若將詩句闢工
拙甕天小見真醯雞

三月十四日晚眺大平樓次王黃門韻

董越

長途日日催輪蹄風花過眼忘品題層樓
向晚試縱目連薨接棟皆群黎東風滿園
桃李放落日數峯烟霧迷夜深枕驚一

覺東方啞啞聞晨雞

次韻

許琮

新詩忽得金裊蹄，光芒逗日連璇題。彩

蟬肯許續狗尾，燕石安能償懸黎。樓臺

是處香霧合，風雨幾家烟樹迷。春光過

眼不容貳，聽唱白日催黃雞。

戶曹鄭判書在大平館與予相處者五

日，茲當戒行，詩以識別。

董越

黑髮蒼髯美丈夫，清談娓娓步于于。晚風

淇水看脩竹，曉日高岡見碧梧。候館詩篇

陪使節東藩，邦計重司徒。文園病渴偏能

賦，倚馬從入笑鶴癯。

詩別鄭戶曹，情見于辭。

王敞

仗節東藩下鳳池，已拚五日定歸期。使軺

共識賡，負外賓館纔逢鄭度支。牢落蠹魚

諳典籍，清癯海鶴好威儀。香名為汝須傳

播，京國懸知有項斯。

三月十八日宿碧蹄館

董越

使華前度驀山溪，去意駸駸望眼迷。草木

無情應笑我，風光隨處不留題。歸裝尚擁

青油幕去馬仍翻碧玉蹄始信鴻飛定遵
渚雪泥蹤跡任東西

去日初見梨花歸時搖落殆盡用紀一
絕

去日棠梨葉未舒重來香雪滿庭除
帝鄉回首三千里纔是東歸發轍初

次韻

許琮

郵亭落照蘸寒溪芳草萋萋望欲迷玉
鳳嚙書宣

霈澤蒼虬卷海入新題九天風雨隨龍節萬里

山河送馬蹄玉署群賢正相待夢魂先
到朶雲西

梅子成人草帶舒山禽磔磔響階除鴨

江波嫩

星槎過屈指歸期四月初

晚宿碧蹄館

王敞

使星昨夜照遼西又喜東還過碧蹄駿骨
垂鞭催驥裹香魂滿地謝棠梨樹綠入夏
重陰合鳥為留人著意啼青瑣別來勞夢
想便看通籍步金闈

次韻

許琮

小橋分入路東西，又向長亭散馬蹄。
青雨流膏翻翠釜，丹霞吹酒上紅梨。
傍簷胡燕迎風舞，隔樹班鳩盡日啼。
不負平生孤矢志，揮鞭寧復念香閨。
日昨正使大人戲詠

重經坡州館午膳

董越

歸路坡州一任驂，蒲前風物似江南。
林鶯隔林聲初滑，階蟻經春戰未酣。
躑躅猩唇飛冉冉，酴醾香雪落毵毵。
前驅笳鼓頻催

發鄉思撩人正不堪

次韻

許琮

歸路悠悠暫解驂，滿雲斜日照東南。
松梢風入濤聲殷，花葉晴薰國色酣。
隔水好山青靄靄，撲簾飛絮白毵毵。
傷春自是尋常事，送客情深兩豈堪。

坡州館午飯口占二絕聊寓惜春之意
云

王敞

紛紛車騎入坡州，為看飛花惹却愁。
自入宦途清興減，不將詩酒伴春游。

下馬郵亭待夕曛，片時土炕夢梨雲。天涯
滿眼迷芳草，春色三分無半分。

次韻

許琮

華節東回海上州，春歸一夕併生愁。閑
庭點檢花消息，且作東風爛熳游。
徙倚窓櫺日未曛，春山燒處起晴雲。一
年光景無多子，漲綠掀林已十分。

宿東坡館

董越

玄菟地與岷峩隔，大蘇此地無行跡。高門
巨扁偶然同，草木山川便生色。坡陀延迤

青松陰，名按方隅豈自今。楊梅不是脩家
物，孔雀元非

宣聖禽。山高蒸雲山霧濕，來時曾戴東坡笠。
夜深不誦東坡詩，地靜恐驚山鬼泣。遙遙
歸路扶桑暎，深夜梨花閉重門。新詩聊與
紀遭遇，豈同安石閑爭墩。

次韻

許琮

玉堂天上風日隔，人間無路尋仙跡。蓮
燭搖紅草雲牋，
紫皇非常賜顏色。才高不數何與隲，獨步花磚

名擅今

星槎萬里度東藩海山處處聞春禽醉跨
金黿浪花濕遠眼花茫茫天倚筇手拾明
月過雲洲千歲老蛟水中泣東窮若木
見朝暎鸞旌羽蓋騰天門離愁萬斛洗
難盡呼酒擬登阿姥壇

宿東坡館

王敞

歸心懸

北極乘傳入東坡間竹桃花少漫空柳絮多三
行中酒聖百戰定詩魔明日開城道松陰

匹馬過

渡臨津江

渡口臨沙磧江流赴石門銀絲看作膾玉
乳喜蒸豚野雉供燔炙山花映酒尊扁舟
須縱飲斜日照前村

寓宿開城并懷古二詩錄一過以志東
行之歲月云

刺眼羣峯露碧尖野雲時作雨纖纖開城
故國曾稱險嵩嶽殊方頗具瞻地控三韓
惟種織利窮東海只魚鹽品題賸有詩千

首又恐奚囊笑不廉
荆榛滿眼坐荒臺
山擁青蓮次菴閑
閣道黃花迎我笑
女牆明月為誰來
原頭麥浪驚風颭
樹杪泉聲入夜哀
麋鹿不知陵谷變
松陰時見下城隈

次宿東坡館韻

許琮

薄暮投孤館
垣墻接斷坡
江聲侵夜近
山色被春多
花鳥挑鄉思
茶槍戰睡魔
旆旌從此去
何日又重過

次渡臨津江韻

鳥影沉雲渚
潮聲隱海門
遠風搏野馬
晴日聚河豚
客路山千簇
離情酒一尊
隔江凝望處
花柳數家村

次寓宿開城并懷古韻

懷古之情

客裏曾看月
再步歸時芳
草綠纖纖江
東見說推王導
海外何知識
子瞻萬里行
裝伴龜鶴
一生勲業作
梅萼詩筒日
日相來往
西子前頭愧
隴廡
十二紅簾
七寶臺
國亡家破
野花開荒

池蒲長鳧翁沒，廢苑烟深鹿女來。草色晴連山色遠，松聲時帶澗聲哀。一尊不盡登臨恨，寒日蕭蕭下岸隈。

金郊館午餉

董越

亭午憇金郊，初當春夏交。花香蜂釀蜜，樹古鵲成巢。八饌先炮雉，彎弓不射麇。紛紛楊柳絮，大半落庭坳。

次韻

許琮

華屋青山下，童童樹影交。草深麋解角，風暖燕爭巢。洗盞唯浮蟻，行厨只供麇。

出壘時成假寐，歸夢繞螭坳。

赤過金郊館

王敞

稜稜怪石蹲，青草孑孑溪藤綴。白花苦為睡魔來問候，夢隨蝴蝶遶天涯。松枝築土過溪橋，一樹梨花映鵲巢。合眼便行三十里，開城不覺過金郊。半殼滿盤堆鮓菜，四鯁入手膾鱸魚。庖人只欲窮滋味，藜藿懸知定不好。

次韻

許琮

郵亭下馬日初斜，閒對庭中一樹花。自

笑老夫餘習在，謾將書劍作生涯。
過盡春溪楊柳橋，溪邊新綠暗鶯巢。
垂鞭直度前山去，數隊紅旌出遠郊。
半輕陰漠漠絮飛初，野幕臨溪看釣魚。
九十春光今欲盡，落花芳草意何如。
過興義口號三絕
王敞
皂帽芒鞋短褐寬，肩輿敢謂路漫漫。
嗚枚耳畔無呼喚，始信黃州好縣官。
赤捧當門二丈夫，褒衣緩帶好規模。
須知此輩還遴選，秉禮東藩信不誣。

險路今番作坦途，每勞脩削費千夫。
不辭四牡駢駢去，可恠山頭日又晡。

次韻

許琮

望斷平蕪眼界寬，寒溪春漲綠漫漫。
莫將此地尋常看，曾過

中朝第一官

道上蒼髯老大夫，歲寒心事筆難模。
一春花鳥爭誇艷，莫倚穠華在自誇。
黃塵車馬倦征途，又指前程問僕夫。
紅雨半巖風卷去，數聲啼鳥日將晡。

金巖即事

王敞

好山入眼便躊躇，閑坐清江看捕魚。此景

別來應夢想，碧天涼月過庭除。

右捕魚

水面松橋半里餘，不須題柱擬相如。前驅

小隊知多少，豈羨當年四馬車。

右松橋

五色奇毛錦不如，可憐猶介味先幾。窮途

釋汝須懷惠，好向空山靜處飛。

右放雉

掛席平原作布帆，當筵較射認儒流。長髯

老去尤便捷，百步紅心中四鏃。

右觀射

次韻

許琮

肩輿岸上躑躅，踏笑看厨人網素魚。可

是元龍湖海士，半生清興未全除。

右捕魚

卧水蒼龍百尺餘，霜髯撲簌翠雲如。時

從橋上迎

星使最愛波涵照，客車

右松橋

羅網高張誤觸之，為緣豕食蹈危幾。錦

衣繡領能招禍，莫近平原淺草飛。

右放雉

班荆草草宴

君侯為愛山前碧玉流，白日長空飛霹靂。

青山影裏落金鏃。

右觀射

過安城館

王敞

白白梨華覆短牆，青青松蓋在陰涼。空梁
不碍重簾幕，一任東風燕子忙。

屋角桃花片片飛，天涯誰遣送春歸。莫言
花謝渾無賴，柳絮池塘綠正肥。

次韻

許琮

樹林生翠暗空牆，幕幕嬌雲作晚涼。坐
久東風吹酒醒，楊花不管一春忙。

簾幕垂垂燕子飛，乍窓殘夢聽催歸。前
宵一雨晴來好，已覺翻翻麥隴肥。

題寶山館

王敞

石面護苔蘚，草根絡蛛絲。春花半凋落，絕
巘還參差。迢迢赴寶山，險路仍攢眉。斯名

義何取，令人翻致疑。飛螢絕金礦，照乘無
珠池。童山鮮良璞，怪石苦纍纍。縱令多寶

王安能，汚伯夷。虛名擅一方，往往人見嗤。
辨惑古所貴，捉筆題新詩。

次韻

許琮

香風吹暖草，飛絮紫游絲。橫空山偃蹇，
傍水雲參差。清幽一區地，徙倚久軒眉。

對景但可樂名實何足疑漢宮有昆明
小石名枕池此類固非一古今何累累
大道本無隔萬事付希夷寓言學蒙叟
辨恐為人所唾愧之談天口局促一篇詩

王題葱秀山

王啟

碧山剝落如堵墻劍峯四合還低昂平疇
十丈開中央婆娑水柳無柔柔杜鵑花落
飛紅香惟石跪伏如羶羊僊凡只隔天一
方此中好景真異常寒泉徹底搖清光飛
流直下萬丈長穿崖溜壑何奔忙石稜斜

闐聲琅琅旌旄三月催行裝香塵暗拂羅
衣裳垂鞭躍馬臨重岡前驅忽報官路傍
判書設宴羅酒漿重重素幔齊高張只須
下馬聊徜徉水涯列坐排胡床賓主長揖
飛霞觴案頭海錯陳兩行鱖魚昆布兼蠓
黃不徒膾鯉還炮鱗漁人舉網游滄浪
身擯鼻視垂檔探囊不見鱒與魴吹沙箇
箇三寸長障沙穴地為池塘放之鼓鬣還
洋洋石門一竇通隙光不覺逸去俱遁藏
黃州觀察鬚眉蒼探竒好勝不可當掉頭

急遣黃頭郎捫蘿直上山之陽胡笳斷續
吹伊涼天風雲外飄笙簧山空谷應聞鏗
鏘仰面一見喜欲狂須臾情境俱兩忘不
覺老興還飛揚東藩山水如沅湖樹頭險
路盤羊腸此山秀麗名頗彰我來登眺開
天荒武陵桃源相頡頏鹽車騏驎馳康莊
伯樂一顧方知良千金價值爭見償蹄翻
碧玉看騰驤鬣毛一旦生輝光勝游此日
不可常歸心千里懸

帝鄉玉階午夜隨鷓行五雲深處朝

玉鳥螭頭鵠立鳴珮璫敢將樂事窮邀方只須
短句聊揄揚奚奴收置古錦囊此山百代
還垂芳

次韻

許琮

老氣直壓曹劉壻鷄羣野鶴何昂昂清
晨珂馬朝未央觚稜初日散扶桑龍鑪
勃鬱滿袖香自公退食如羔羊去歲銜
命向西方繡斧烜赫

思非常陳寶碧雞夜有光鳥道千里縈雲長杜
鵲啼血送春忙巖溜百道鳴瓊琅山館

斜陽從歸裝，暎翠吹上雲錦裳。碧穹前
馳指高岡，片雲白白飛馬傍。崎嶇叱馭
汗翻漿，成都石郭中天張。此地仙翁久
相狎，青牛去後無玉床。先主祠廟薦椒
觴，參天翠栢知幾行。赤甲山高西日黃，
白帝城空走麈麀。巴東峽裏更聊浪，應
有汲婦垂錦襜。黃魚出浪羨於魴，筒中
撥刺身更長。雲帆如雨下瞿塘，烟波抹
岸眇汪洋。今年渡海閃星光，天吳海若
驚走藏。東來最愛葱秀蒼，山勢雄盤如

武當為臨斷岸呼漁郎，澄潭撒網驅浮
陽。潭邊虬松翠蔭涼，天籟非絲又非簧。
風來潭面瓊珮鏘，助我浴沂風雩狂。此
中之樂不可忘，煩

君傑筆為稱揚，吾聞史遷南浮湘。西通巴
蜀經羊腸，胷中萬象皆昭彰。遠遊更欲
窮四荒，今

君奇氣爭頡頏，文章不數騷與莊。藍田白
玉素稱良，連城價重人爭償。死駒汗血
如龍驤，天閑十二被恩光。知

君才力真超常早歌鹿鳴來

帝鄉儼然端笏立班行羅衫寶帶侍

虛皇雲路回翔珥貂璫專對才高使四方聲名

萬里隨風揚東藩山水入詩囊萬篇芝

蕙傳芬芳

龍泉道中

董越

高山疊石渾如甃穀水錦紋還似斲谷風
習習黃鳥啼花霧冥冥雄雉雊長天落霞
舒錦繡荒榛鞠草留巖竇急投舊館問龍
泉暖氣着人如中酒

次韻

許琮

溪邊亂石青玉甃溪上殘花紅錦斲烏

衣掠水飛翩翩彩翼驕春鳴雉雊畫角

因風戩鐵崖流泉噴玉來雲竇踏沙藉

草坐移時飲盡床頭一壺酒

晚宿龍泉許吏曹具行厨水次小酌作

六一詩以紀之

王敞

向晚忽忘倦臨流弄清波平原騁遐矚隔
岸青山多枯柳當路歧空腹少繁柯行厨
設帷幔橫亘山之阿漁子適何來把釣躡

短莎役夫正喧呶，
鯨魚能見過。有雉鳴且
飛，冥然羅網羅。虞人置我前，
老眼重摩挲。朋從遠相喚，
便欲凌江河。翅羽頗凋落，
墮水將奈何。暝色垂四野，
星光射銀河。滃厓明火樹，
水底驚黿鼉。禮飲纔一行，
便覺雙顏酡。邇來得新句，
首肯時吟哦。

王事值餘暇，况復當春和。
更闌秉燭游，緩步除前訶。
遠遊如不樂，歲月空蹉跎。

次韻

許琮

清溪當驛門，鏡平無跳波。
沙晴鷗鷺集，

海近魚蝦多。孤樹類楠梓，
歲久禿無柯。荒灣色紺寒，
耿耿沉泉阿。有時騰紫氣，
煙雨埋青莎。人間一俯仰，
百年如鳥過。遼鶴嘆華表，
海鷗逾新羅。灞上幾秋風，
銅狄手摩挲。一念凌八垓，
萬里超天河。東尋笙鶴侶，
菡雲遊無何。相逢一披襟，
談辯供懸河。渴思吞滄溟，
壯欲烹蛟鼉。仙觴傾紫霞，
玉貌紅潮醅。清篇響琳瑯，
盥手高聲哦。字法亦神妙，
蠶紙追求和。聲間照奎彩，
百靈來搗訶。茲遊不可繼，

世事良蹉跎

劍水館午膳

董越

小憇傍林花山深日未斜
落紅翻蟻穴宿藥亂蜂衙
石窟藏蛟蜃泉流閱鏤鏹
此中有佳氣誰與報張華

次韻

許琮

雨濕鞦韆林花風吹旗脚斜
迹留蒼海域

夢趁

紫宸衙世路危巫峽人情慘
鏤鏹莫思身外事詩酒荅年華

過劍水館

王敞

龍劍雙沉水郵亭獨枕山
簷牙青嶂合石磴紫苔斑
倦絮飛纔落孤雲去復還
長途驅瘦馬應笑白鷗閒

次韻

許琮

拄杖尋芳草開窓入晚山
柳條蒼籜鞦韆霞影錦文斑
花落經年別人歸何日還
塵間苦多事回首白雲閒

日日陪遊清興足矣但相別無幾思
之不覺悵然因以登山臨水送將歸

為韻以寄下情謹奉

兩大人求

教

許琮

峭壁稜稜疊幾層
槎牙老樹蔓寒藤
殷勤報道溪邊石
莫使尋常行客登
客裏夷猶水石間
更揩塵眼向孱顏
此身恨乏垂雲翼
不逐飛鸞到玉山
清流曲曲抱長林
晚送寒聲與客心
隔岸萋萋芳草色
歸時何忍獨登臨
日斜暝色來千里
故作人間無限意

杯相勸兩何言古來送別臨溪水

翩翩萬里丹山鳳豈意相歡在伯仲遠

別天涯恨不支一時送客兼春送

章貢交流勢自長水雲深處一高堂此

間定得詩多少莫惜因風遠寄將

烟波渺渺白鷗飛江左風光天下稀海

國山川難著眼知

公無日不思歸

承以登山臨水送將歸為韻見贈用和

荅意

董越

離懷羈思浪層層欲寫應須族剡藤已似
烟波輕泛泛敢辭山路遠登登
僕僕奔馳數月間每勞流水洗塵顏司空
席上已無樂錦瑟何須怨義山
二十餘年忝士林傾葵敢負一生心要知
屋漏還無愧白日青天共照臨
東來使節幾千里祇有風光解人意人薇
五葉不教齊到處長流半江水
平生好客誰題鳳日日竹林來二仲鴨江
冰泮始相逢鶴野風清又勞送

簷花細雨陪夜長亦有新詩題草堂行行
應不笑予矯歸橐蕭然何所將
草深冥冥花片飛山高落日行人稀春光
有期思無盡令人到此憺忘歸

三月二十三日在劔水館午餉正使董
越橐復使曹許判書足下

次韻

王敞

碧山間上最高層不盡溪毛間葛藤別後
孤吟應念我小樓明月共誰登
肩輿緩步白雲間每見林花一破顏春色

蒲前看不厭何須携酒過支山
矮屋前溪隔樹林新槐扶影上庭心不緣
紫極新頒詔安得三韓一過臨

神州此去三千里不盡判書留客意樓船明
日發中流奉饒清江一杯水

朝陽自昔多鳴鳳口角何曾談管仲暫離
青瑣來碧蹄千里勞君遠迎送

幾宵賓館坐更長燕笑憐君共一堂今日
春愁添別思落花飛絮鳥啣將

牢落雙鳧海外飛東藩詞賦似君稀鴨江

別後還相憶賴有清風伴我歸

吏曹作七絕預別雋永可愛予因和之
聊以慰別後之相思云戊申三月二十
四日江東王敬書於生陽館

皇華集上

皇華集上

卷之十一

Blank manuscript page with vertical lines.

